


Wiener Stadt-Bibliothek.

5488 A



JEPHTIAS
VIRGO, MARTYR (a)
DEO

EX VOTO:

PRO PATRE, & PATRIA

Immolata Victimā; (b)

AVGVSTISSIMO, SACRATOQVE
CÆSARI

CAROLO

OBLATÆ PRO PATRE, AC PATRIA HOSTIÆ
CONSECRATA,

Per

Humilem, ac Venerabilem Antistitem

AUGUSTINAM

Natam Comitissam à Buechhaimb,

Divi AUGUSTINI Affricani Solis Stellam ex Jacob vivam,

Ac

Magni Ecclesiæ Patris Filiam adoptivam;

In Parthenone suo Jacobæo decantata.

(a) *Corn. Schrev. ex etymo.* (b) *L. Jud. c. 11.*

REPRÆSENTATA,

Per

Venerab. præfati Coenobij Symponistrias
in sequentibus Personis, quæ sunt:

Jephtias: Filia Jephta	} hîc	Philothea.
Jephte: Heros Galaadites		Poliarchus.
Mars.		Megarchus.
Amor DEI,		Theophila.
Amor mundi:		Cosmophila.
Virginitas.		Parthenia.

In sequentibus Vocibus:

Philothea:	-	-	-	Sopranô.
Poliarchus:	-	-	-	Tenore.
Megarchus:	-	-	-	Bassô.
Theophila:	-	-	-	Altô.
Cosmophila:	-	-	-	Sopranô.
Parthenia:	-	-	-	Sopranô.

AVTHORE:

REMIGIO, IOSEPHO, IGNATIO

à

LANGENDORFF,

VIENNENSIS CONSISTORII THEOLOGO.

Musurgo:

D. Wenceslao Zivilhoffer, Celsiss. S. R. I. Principis
Esterhazi Capellæ Magistro.

ARGUMENTUM.

J*ephte Gallaadites, Heros invictissimus, cum Ammonitis conflicturus votum vovit Domino, dicens: si tradideris filios Ammon in manus meas; quicunque primus fuerit egressus de foribus domûs meæ, mihiq̃ue occurrerit revertenti cum pace â filiis Ammon: eum holocaustum offeram Domino. Quæ sors cû ipsius Jephthe unigenitam attigisset: id unum â Patre expetiit, ut priusquam moreretur, teneros virginitatis annos deploraret (a)*

ANNOTATIO.

V*irginitas in Lege Veteri, non planè ignota, uti (b) (c) (d) videre est; quin imò â pluribus, magnisque DEI sanctis conservata fuit, ut Melchisedech, Josue, Elia, Elisæo, Jeremia, Daniele cum tribus Neaniscis; quorum patrata prodigia eorum præcipuè Virginitati referuntur in acceptis â SS. P. ut Ignatio M. Hieron. Chrysost. Epiphonio &c. (e) Attamen in communi ferè neglecta habebatur. At! in lege gratiæ Virginitas ad eum est dignita-*

A 2 nita-

(a) L. Judic. 11. (b) Isa. 56. (c) Ps. 44. (d) Sap. 3. v. 13. (e) P. Scherer in Post.

nitatis evecta apicem, ut casto connubio Virgo cum Virgine moraretur (f) De Virgine Virgo nasceretur (g) de cruce Virgo Virgini commendaretur (h) & Sponsus Agnus tot millium fieret Virginum Paranympbus (i) Si igitur una deploravit Jephthas Virginitatem suam: egit secundum Plebiscitum, & temporum morem; si nunc copiosa de virginitate sua gaudet Philothea: agit secundum suasorium DEI verbum, & immensum Sanctorum exemplum. Quantum ad DEI Verbum: lege (k) (l) (m) Quantum ad exemplum: prima omnium sit, quæ nec primam similem visa est nec habere sequentem (n) gaudia matris habens, cum Virginitatis honore. Quæ Virgo Virginum non immeritò dicitur, utpote quæ prima DEO Virginitatem vovit (o) Quam Reginam Virginum secutæ sunt innumera Castarum Virginum phalanges juxta illud varidicum Psalmistæ (p) adducentur Regi Virgines post eam. Quod de suis jam temporibus testantur impletum S. Cypr. S. Ambr. S. Chrysost. S. Aug. (q) Ex quibus in genere Theodoretus ait: ex quo Salvator natus ex Maria Virgine: multiplicata sunt viridantia Virginitatis prata; (r) adeò, ut jam tunc Christiana instituerentur Gynæcea; unde illa Apostolici discipuli verba: Saluto Collegium Virginum (s) Non ergo nunc ploranda est Virginitas conservata, sed deploranda innocentia amissa.

(f) Auth. Eccl. (g) Isa. 7. v. 14. (h) Joan. 19. v. 27. (i) Apoc. 14. v. 4. (k) Math. 19. (l) 1. Cor. 7. (m) Apoc. 14. (n) S. Bern. Serm. 4. de Aff. (o) S. Aug. l. de S. V. c. 4. (p) Ps. 44. (q) P. Scherer in Post. (r) in Relig. disc. (s) Ep. ad Philipp.



Exordium.

Megar-
chus.  D arma miles!
Præsentia urget Turni, (t)
Adest Megarchus Mavors,

Poliar-
chus. Quid Martis afflat buccina?
Belli minans tonitrua,
Ignita spargens fulgura.

Meg. Te, te ad arma provoco,
In patriam te revoco,
te revoco.

Pol. Tunc Megarche me revocas?
Quem vix è Paterno solo
Exturbâsti, profligâsti, (u)
enervâsti.

Meg. Sed nunc mutata est
Rerum facies;
Te ego Poliarchum,
Patria quod suum est,
vindicat.

In arcto est patria;
redi! redi!

Pol. Volenti non fit injuria; (x)
Apage Megarche!
Patriam novercam deprecor,
Te execror.

Meg. Ergone me abesse desideras?

Aria.

Pol. Cupio, desidero,
Et mando ferid;
Citò, citò,
Tu perduellis,
Tu, tu rebellis,
Hinc fugito,
Cosmo- Quis hìc rebellis?
phila. Quis perduellis?

Pol. De paterna fede pulsum
Me Megarchus revocat;
Quid suades Cosmophila?
Cosmo. Dulce solum patriæ; (y)
Redi Poliarche.

Aria.

Poli. Libertas est gratiosa,
Falsitas est odiosa,
Quam Megarchus adstruit;
Ad eventum,
Sed cruentum,
Sinon iste protrahit,

(x) Reg. 27. Juris in VI. (y)

Po-

Meg. Poliarche: quid moraris?
Méne terræ Principem,
Deos inter numeratum
aspernaris?

Aria.

Per furores, per cruores, (z)
Per amores, per timores
Per cruenta monumenta
Notum grandem Deum Martem
Aversaris? utrum vis:
Aut martem, aut mortem elige. (a)

Aria.

Cosmo. Mavors ades? qui dum makes
Sanguine multo, insepulto;
Adhuc plenas sanguine venas
Perforare, immolare
Cogitas!

Annon sitim extinxisti, (e)
Dum jam bella protraxisti,
Per tot mundi
orbitas?

Meg. Quid hoc commemoras?
Sua quisque curat; (γ)
Navita de ventis,
De bobus narrat arator.
Trahit sua quémque voluptas.

Et

Et nonne:
Militia est vita hominis?

Aria.

Cosmo. Sed dolentem, & nolentem
Poliarchum desere;
Vita suavis, mors est gravis;
Mars concludit miserè. (*)

*Theo-
phila.* Quæ vos inter contentio?
Quæ altercatio?
Nulla salus bello.
Mars ferreas cristas,
Pax auratas gestat aristas;
Pacem deposcimus omnes.

Aria.

Non est vita tam attrita
Quæ non pace gaudeat;
Bellum pestis est avita,
Est, ut quisque lugeat.
En Europam, Asiam.
Africam, Americam;
Est, ut quisque defleat.
Ergo Mars Iberiam
Perge usque Patriam.

*Philo-
thea.* Dilecte Genitor!
Ut quid turbatum cerno vultum?
Quid erectum supercilium?
Poli. Amata nata!

Quid

Quid percontaris Philothea?

Megarchus iste truculentus

Ad arma, me ad arma revocat.

Meg.

Ad arma Poliarche, ad arma!

Sed quid hîc agit togatus miles?

Abscede, recede Philothea.

Si Mars est cum Venere:

Fabula narratur

Totô notissima cœlô. (δ)

Patrem tuum vendico,

Poliarchum vindico.

Aria.

Philo.

Ergo relicta, & afflicta

Ingemo Philothea!

Pupillari merfa mari

Sinar velut athea? (ε)

Ah! non sinar, verùm linar

Deitatis gratiâ. (ζ)

Poli.

Non contristare

Monogenita Philothea;

Non Martem sequor minantem

Sed Omnipotentem

Ad bella vocantem;

Sequor, sequor.

Philo.

Sed unde nôsti amate Genitor

Hanc esse Numinis voluntatem?

Poli.

Amata nata!

B

Ju-

Justitia causæ jubet esse securum; (7)

Hostes Dei Ammonitæ,
Sunt & hostes meæ vitæ;

Quos si DEUS

In manus tradiderit meas,

Me obligo :

Quod primum revertenti
Obviam è domo venerit, (9)

Erit victima sacra DEO.

Ergo vale! chara genita, vale!

Philo. Vale! amate Genitor, vale!
Æther tua vota secundet!

Aria â 2.

Pol. Vale Filia!

Philo. Vale Pater!

Pol. Vale Genita!

Philo. Vale Genitor!

Pol. Philothea! }
Philo. Mei cordis } anima!

Pol. Te contemplor!

Philo. Te complector

Pol. Immolo te, O! }
Philo. Moriar pro te } victima

Parthe- Malè tibi ominor Philothea;
nia. Quæ nunc solitaria

Velut

Velut imbellis alaudula,
Rapaci præda fies accipitri. (i)

Aria.

Fide, fide, sed cui, vide,
Innocens Philothea;
Nam mellita, & condita
Pleraque sunt toxica
Canti.lando, captivando (x)
Dulce canit fistula.

Cosmo. Tempori aptari decet;
Interpone tuis

Interdum gaudia curis
Philothea;

Musica triste exhilarat cor. (μ)

Philo. Musica in luctu
Importuna narratio.

Cosmo. Sed tristitia exsiccat ossa, (v)
Indulgendum est genio.

Theoph. Recede Cosmophila.

Timentis Dominum
Beata est anima ejus; (ξ)
Nihil trepidabit,
Et non pavebit. (o)

Aria.

Tuta satis natat ratis.
Et dat vento carbasa,

B 2

Quam

(i) 1. Petri 5. (x) Prov. 1. v. 1. (λ) Eccl. 1. v. 1. (μ) Eccl. 40. v. 20.
(v) Eccl. 38. v. 19. (ξ) Prov. 12. v. 21. (o) Eccl. 34. v. 16.

Quam illustrat, & gubernat
Cynosura coelica;
Non pavebit, non timebit
Tristia naufragia. (π)

Parthe. Philothea!

Pbilo. Quid jubes Parthenia?

Parthe. Adeste Martem arbitror.

Pbilo. Ergo fugiamus.

Parthe. In fuga salus.

Mars. Vicimus! Jo! vicimus.

Proterva prostrata jacet

Hostium caterva.

Latum Poliarcho pæana accino.

Vicisti Galaadæ, vicisti; (ε)

Aria.

Vive, flore Poliarche!

Contriumphe & Megarche!

Parta est victoria.

Vive, regna, & gubernare (σ)

Donec Victor ad superna

Evoles palatia!

Jo! Jo! Victoria!

Poli. Vicimus, Jo, vicimus. (τ)

Superbas hostium debellavimus

Phalangas;

Super-

(π) Ps. 90. (ε) Allus. ad Jul. Ap. (σ) L. Judith. 15. v. 10. (τ) II. Mach. 13.

Superata, prostrata, exarmata jacet
Ammonitarum potentia, jactantia, protervia,
Sed;

Quod pium decet Principem:

Partâ Victoriâ,

Solvamus vota, (v)

Archistratego omnipotenti

Philo. Salve! chare Genitor, Salve!

Poli. Tuâne hæc vox Philothea?

Philo. Hæc vox, hæc tua, tua Philothea.

Salve! Salve! chare Genitor, salve!

Aria.

Poli. O! stellæ, stellæ rigidæ! (φ)

O! cæli adamantini!

O! plagæ mundi frigidæ!

O! superi ahenei!

O! crudelis hora, in qua

Te vidi O! Philothea.

Philo. Amate Genitor!

Quæ hæc tragœdia?

Ergône tam mirandam

Ego causavi catastrophem?

Si unigenitæ est culpa filiæ,

Triumphantem salutare Genitorem:

Mars judicet.

Si aliud commisi flagitium:

Mors vindicet.

Poli.

Amata nata!
Alieno ex debito
Tu facta rea es. (x)
Votum meum, fatum tuum est;
Vovi siquidem Domino:
Ut, quod primum revertenti,
E domo obviam venerit,
Victima cadat DEO.
Te, te chara nata
Plectunt adamantina fata
O! Philothea.

Aria.

Philo.

Conturbatâ gemo mente,
Quis audivit talia? (ψ)
Condemnatur tam repente
Insons innocentia! (ω)
Quæ in Patrem fui pia, (a)
Merior Philothea!

Poli.

DEI timore, mei amore,
Morere chara filia.

Philo.

Libenter; sed est difficile! (*)

Poli.

Difficile est fateor;
Sed tendit in ardua virtus. (b)
Morere ergo chara filia, morere.

Philo.

Libenter; sed est difficile. (c)

At!

(x) Gen. 22. v. 12. (ψ) Jerem. 2. v. 12. (ω) Isa. 57. v. 1. (a) Judic. 11. v. 3.
(b) Job. 5. v. 7. (c) Matth. 26. v. 41. (*) Znoyma 1702.

Poli. At! morte tua Numen honoribus,
Placabis, me, meosque, ac te salvabis.

Pbilo. Libenter; sed est difficile,
Si tamen firma stat sententia:
Oro Te, demitte me,
Ut plangam paululum dolorem meum. (d)
Ut defleam Virginitatem meam
In montibus.

Poli. Sit ità, ut postulas.
Vade cum collactaneis tuis partheniis
Et fume victui, & amictui tuo necessaria;
Te ego in patrias ædes concomitor.

Cosmo. Perfide! crudelis! (e)
Truculente Mars!
Sanguisuga mortalium funestissime.

Theoph. In quem tam cumulata jacies scommata?

Cosmo. Gradivum execror.
Qui innocuæ causæ mortis est Philothæ;
Hunc execror.

Theoph. Non Martem execrare;
Sed arcana DEI judicia admirare,
Contemplare.

Aria.

Sunt miranda, non rimanda (*)

Numinis judicia; (f)
Veneranda, non scrutanda
Divinorum abdita.

In

(d) *Job*. 10. v. 20. (e) *Antiph. Sacr.* (f) *Rom*, 11. v. 33. (*) *Martyr.*

In humanis ludit rebus (g)

Divina potentia
Omnibúsque dat diebus

Documenta varia.

Parthen. Huc ades Philothea;

Sylva comas frondosa dabit,

Secretus ab omni

Hic voce locus;

In medio gramen,

Muscóque adoperta virenti,

Emanat Saxo vena perennis aquæ.

Philo.

Chara Parthenia!

Non mollia affecto gramina, (h)

Non blandientis auræ susurros,

Non limpidos crepitantis undæ latices,

Me montana decent, (i)

Celsique ad astra recessus;

Nam vicina polo,

Sum proxima filia mortis.

Aria.

O! favete, condolete,

Miseræ Philothea;

Stellæ cœli, & Planetæ

Condolete miseræ.

Deploranda, miseranda,

Mea est teneritas; (k)

Execranda, condemnanda

Mea est humanitas.

Phi-

(g) *Sap.* 8. v. 31. (h) *Isa.* 38. (i) *Ps.* 120. v. 1. (k) *Thren.* 1. v. 4.

Cosmo. Philothea! quæ hæc tragœdia?
Túne tam gloriosi filia Poliarchi
Inter opacos nemorum saltus latitas?
Ad patrios lares redi, redi;
(1) Est vita hæc infelix - - felix.
Est intoleranda - - toleranda.
Quid reponis Echo?
Hæcne felix? hæcne toleranda vita? - - ità, ità.
útque Philothea
Hæc inter montana permaneat -- maneat.

Theoph. Recede Cosmophila, recede - - cede, cede.
Philothea! levavi oculos meos in montes;
Unde venit auxilium mihi? (m)
Auxilium meum â Domino.

Aria.

Ergo mane; non sunt vanæ
Montium crepidines;
Mundi mare est inane,
Fœdas dat putredines. (n) (o)
Montium cacumina,
Cœli sunt suburbia.

Philo.

Amata Parthenia!
Tuâsne pervenit ad aures,
Suave melos, dulcis ode,
Cœlestis Cytharistrix? (p)

C

Chara

(1) *Cic. ap. Dentzler.* (m) *Pf. 120, v. 1.* (n) *Job. 17, v. 14.* (o) *-Eccl. 1, v. 14*
(p) *Pf. 91, v. 3.*

Parthe. Chara DEO Philothea!
Jam præplacent excelsa montium juga,
Petrarumque cavernæ.

Philo. Ergo! amata Parthenia;
Audi, quid muta mihi respondeant saxa.
Vitam meam, sortem tuam
Memorabo, deplorabo. -- plorabo.
Quærebam in sylvis (q)
Quid sit formosa juvenus? -- ventus.

Parthe. Audiit hoc Echo garrula:
Ventus ait, (b)

Aria.

Philo. Olim fortunata -- nata.
Virgo generosa -- rosa.
Victima statuta -- tuta,
Sed quid nunc virago -- ago?
Stemmata depereo -- pereco.
Ut virgo emorior -- orior,
Vos conscia sidera testor;
Te Parthenia contestor:
Dum morior, orior.
Ergo expedit mihi
Magis mori, quam vivere; expedit, expedit (s)
Parthe. Cum te consumptum putaveris,
Orieris ut Lucifer; (t)

(q) Bider. (r) Job. 7. v. 7. (s) Tob. 3. v. 6. (t) Job. 11. v. 17.

Fulgebis sicut stellæ,
In perpetuas æternitates.

Theoph.

Chara Philothea!
Te Pater ad aras,
Te Numen ad astra evocat

Philo. Jámne statuta moriendi adest hora?

Ergóne jam montium,
Sylvarum, ac nemorum
Deserendæ illecebræ?

Theoph. Majores, & æternæ te expectant delitiæ; (u)
Me sequere, sequere.

Aria.

Philo.

Ergo valete! condolete!
Montium sublimia.
Firma tenete, retinete,
Subsequa proverbialia;
Luit, nunquam accusata,
Innocens Parthenia;
Condemnatur: nunquam rea (x)
Innocens Philothea.

Poli.

Angustia sunt mihi undique! (y)
Aut hoc, aut illud?
Diverbium horrendum, immane, ingens!
Aut DEUM lædere omnipotentem,
Aut filiam interficere innocentem?
Ennормis, horrenda electio!

Sed vovi, vovi;
Satis est, vovi;
Vota mea Domino reddam
Coram omni populo ejus. (z)

Theoph. Pretiosa in conspectu Domini (α)
Mors Sanctorum ejus.
Et en Poliarche!
Citata adest victima.

Poli. Proh! timor; proh! amor;
Heu! terror; heu! dolor;
Adésne Philothea?
Mei cordis anima, adésne?

Philo. Tua adsum unigenita,
Destinata morti victima.
O! chare Genitor!
Adhúcne morior (ε)

Poli. Proh! horror; proh! dolor; (γ) (δ)
(ε) Votô meô fatô tuô
Moreris chara filia Philothea.

Aria â 3.

Philo. O dura fata! { venite,
Pol. Deliberata; { properate, (ζ)
Theoph. Prædestinata, { currite
Poli. Chara filia! morere.

At!

(z) Ps. 115. v. 14. (α) Ib. v. 15. (ε) 1. Reg. 15. (γ) Prov. 14. v. 12. (δ) Matth. 26. v. 38. (ε) Eccl. 5. v. 4. (ζ) Job. 6. v. 8. &c.

Philo. At! innocua! }
Theoph. Sed DEO grata. } morere.

Philo. Libenter; sed est difficile!

Theoph. DEUS erit {
Poli. Merces tua { magna nimis. (7)

Philo. Ergo! coelum mitesce;
Terra obstupesce! (9)

Natura cohorresce!

Alieno ex voto,

Insans morior Virgo!

Sed pro Patre, & Patria, (1)

Læta cado Philothea.

CHORUS.

Jo! Jo! jubilemus;

Jo! Jo! triumphemus;

Cantemus adoreas.

Serta Virgini paremus,

Lauros Martyri donemus.

Et coronas aureas.

Fortunata! DEO grata!

Israelis gloria; (2)

Deaurata, & stellata

Posside palatia.

C 3

Ad

(7) Gen. 15. v. 1. (9) Job. 19. v. 22. (1) Psal. 53. v. 8. (2) L. Judith. 15.
vers. 10.

Ad

Prosphonéma:

Ad

CAROLE Romulidûm Sexte, & ter Maxime **C**ÆSAR!
Accipe Jephthadem sacrâ Boanergis ab **Æ**de,
Rem Tibi de velo, velatô Schemate **S**acram.
Omine prælusit miro Galaditidis **A**rdor;
Lege Patris, Patriæque bono, sua funera **R**idens;
Uivit nunc virtus post funera? flagret **E**rynnis;
Mecastor! veterum dulce est meminisse **M**alorû.

CAROLE,

Cæsar Augustissime.

Fuit illô tempore (ait sacer Textus) Jephthe Galaadites
 Infortissimus, atque pugnator. In illis diebus pugna-
 bant filij Ammon contra Israël; quibus acriter instanti-
 bus: perrexerunt majores natu de Galaad, ut tollerent in
 auxilium sui Jephthe de terra Tob, dixeruntque ad eum:
 veni, & esto Princeps noster quibus ille respondit: nômne
 vos estis, qui odistis me & nunc venistis ad me, necessitate
 compulsi? factus est ergo super Jephthe spiritus Domini &c.

Dum S. Ecclesia, aut SS. Ecclesiæ Patres, Ascetæ,
 aliique Authores quaspiam Illustres Personas, certis
 in Sacro volumine memoratis Personis assimilant; in
 ijs

ijs duntaxat illos his conferunt, quæ apta sunt ad Personæ (de qua agitur) qualitatem in figura repræsentandam. Sic ipse Salvator, ac D. N. dum e. g. Affvero, Salomoni: Regibus; Jephthi, Samsoni: Judicibus; imò ipsa Deitas irrationalibus, & inanimatis rebus comparatur ab alijs, aut seipsam comparat: ad Theologorum mentem, remotis imperfectionibus, creaturæ assimilatur; ut universaliter verum maneat axioma: omnem similitudinem claudicare. Unde, dum Jephthiadi Sacratas DEO Virgines; MAJESTATEM TUAM verò Jephthi Heroi comparo: in eo assimilo; in quantum, quoad I. Virginitatem suam Jephthas ad mortem usque conservavit; quoad II. verò: in quantum MAJESTAS TUA (velut alter Jephthæ) ab adolescentia SUA Pugnator existit, atque ad auxilium Austriæ, imò Sacri totius Romani Imperij, hæreditariorum Regnorum, Ducatum, Principatum, Marchionatum, & Comitatum ac terrarum ab Hesperio solo evocata, afflante desuper Divinò Spiritu: victorias à sæculo inauditas, reportavit. Quod igitur Majores nati de Galaad, supplices à Jephthæ petière: *esto Princeps noster*; id ego cum universis fidelibus subditis TUIS, de hausto à Proavis sanguine ad Mathusalæos usque annos vovens acclamo, ac amo, ac in amore morior:

Augustissimæ Majestatis Vestræ

Infimus Capellanus
Remigius Leopoldus de Langendorff.

